

蘄州志卷之二

知蘄州事虞山錢 鑿纂輯

地理志

山川

潛霍以南羣山蛇蜒數百里併赴于蘄川則大江東注四流之支三十六種之委皆會焉志稱吞吐吳楚不其然與英傑代興民用富庶蓋亦得高深之助云山

城內東北曰麒麟山山形蹲伏因象形而名明荆藩遺

蘄州志

卷之二

山川

一

址及學宮書院州治俱在山麓 西南曰鳳凰山山勢軒舉亦象形而名上有洗墨池仙人臺舊傳李白杜甫會遊此後人遂名其隩爲白甫衝上有千仞亭七葉寮今廢 城中迤西南曰鷓雞山 國朝盧叅政紘構四照堂于其上今廢

東五里曰打鼓臺山勢迤迤接李瀕湖祖地 八里曰迎山山形與治城相迎故名 十里曰龜鶴山二山並峙形如龜鶴麓多梅花每放時遊人携尊玩賞不絕向屬蘄八景之一今梅無存 十二里曰野狐山

十三里曰丫頭山唐人有詩見藝文 十五里曰蟠  
龍山 三十五里曰麻寅山 四十里曰大旺山  
四十五里曰紫玉山 六十里曰羊蹊山 一百一  
十里曰雲峯山 一百一十二里曰還元山 一百  
四十里曰四隘山 一百五十六里曰小泉山 一  
百一十里曰六合山 通志有東洞  
龍王神井 一百八十里曰  
掘斷山 二百二十里曰大原山 二百二十三里  
曰茅平山 二百三十五里曰龍元山 二百三十  
七里曰寶蓋山

蘄州志

卷之二

山川

二

東南十里曰大泉山泉水清冽山形秀麗有大泉寺華  
頂菴在其麓 十五里曰百家冶山產蘄竹作簞又  
有蘇家山 三十里曰安陽山一名安山 三十五  
里曰夫妻山兩山對峙因名  
西十里曰象鼻山俗名高家山與龍峯石獅對峙卽蘄  
河水口在掛口西岸 四十里曰圓峯山有東西二  
菴頗幽靜 三十五里曰城山 四十里曰馬下山  
漢高祖征九江王英布下馬于此因名 六十里曰  
五岳山 八十里曰雨標山

西北五十里曰白雲山通志云自旦及暮常有白雲繚繞其上隋時建塏寺焉又云汴湖得入定僧二人遣使送至蘄州白雲山再召之二僧遂入古井中隱沒六十里曰茅山山下有磯十三處古傳九里十三磯六十里曰磨盤山 六十二里曰盧師山山巔平行刻有三大字清勁蒼古未知昉於何時 六十五里曰壽眉山 七十里曰火爐山 七十五里曰靈虬山山勢累石如虬龍 八十里曰琳山 九十里曰蔣家山上平行有田數頃抵蘄水縣界

蘄州志

卷之二

山川

三

北四里曰北障山俗名缺齒山一名呂王城 曰磨盤

山

一在治北一在安平一在永福  
下鄉石灰壠舊傳金牛勝蹟

五里曰盤龍山

上有石鼓院麻衣道者無藥禪師二真身在焉 六

里曰龍峯山山勢聳拔爲州城屏障綿亘里許至掛

口東岸作蘄河水口下有石高丈餘形似狻猊舊石

洞產白花蛇今無有 三十里曰宣撫山高山 三

十五里曰米家山山形鬱葱類小米畫意一名虎兒

山俗云獨山 四十里曰細石山 四十二里曰玩

鶴山 六十里曰蘄山廣教山 七十里曰雲霧山

山麓齒刺一石石上有虎足跡相傳唐伏虎禪師伏  
虎於此一名虎踏石 八十里曰策山頂有石砦明  
末土人避兵於此 一百里曰豹子山有上中下三  
山峯巒聳秀 曰老鴉山如鴉展翼故名 一百一  
十里曰西龍巖水口石鐫觀頤視履四大字 曰荆  
竹山綿遠曲隈中有燕子崖 曰黑石砦明末土人  
避賊於此 一百二十里曰羊角山一名楊家砦卽  
楊先春勦賊營砦處 曰北辰山上有百神廟 曰  
風火山州與蘄水縣分界處 曰伏虎山形如虎伏

故名 曰金鷺山在北極峯下高聳峭拔四山環拱  
三十六水逕繞其前匯鈇鋤潭四方遊屐絡繹不絕  
山麓有金鷺寺通志云嘗有金鷺出石閒其上有籠  
鷺石 一百二十五里曰北極尖土名白雞尖 一  
百三十里曰堆金山 一百四十里曰三角山峻嶒  
聳拔三峯突起故名大峯中有老龍洞洞口懸石鐫  
惟天在上四大字極古勁 一百五十里曰鏡臺山  
曰唐家山 一百六十里曰河槎山 一百七十里  
曰馬鞍山 一百九十里曰口鑿山石壁四匝形如

軍盔因名北向似壽翁首有石若列眉土人又呼壽  
眉砦 二百里曰大桴山 二百一十里曰旋螺山  
卽仙人臺高若列屏橫亘州北陟其巔可極目千里  
西向石臺昔仙人劉五劉六修煉處山塢有寺明正  
德間州人郝守正肄業于寺植杉二株蒼枝古幹今  
尚存 二百二十里曰久長山 二百二十五里曰  
金斗山

東北里許曰玉屏山山形方正如屏俗名周公山州人  
周副使禧施爲漏澤園 二里曰象馬山舊傳邊徼

貢象經此一云荆藩豢象馬處 五里曰羅漢山  
三十里曰馮家山卽馮大司寇母墓有華表 六十  
里曰展旗山山上有砦 六十五里曰小嶺山 七  
十里曰太平砦山上有寺清幽軒敞土人名大山坪  
一百里曰九龍山有龍井九處一名九潭山山上有  
高谿寺 一百五里曰層峯山抵廣濟界 一百一  
十里曰橫岡山與廣濟分界 一百五十里曰石人  
砦山石筍一枝宛如人立 一百五十五里曰道觀  
山上有天帝觀 一百六十里曰唐家山抵黃梅界

東衍太湖西入英山北達潛山南注蘄州爲諸邑山  
脉之祖

崖洞附

燕子崖在青山鄉元至正間汪不花團聚鄉兵立寨  
禦紅巾賊處 東龍崖 西龍崖 會龍池崖 伏  
虎崖俱在青山鄉 捨身崖在三角山慈應祖師覺  
慧處 龍津崖在崇居鄉手巾菴右兩山皆石中空  
丈餘爲河道水行千尺懸石上瀑布若白龍一名白  
龍崖又若噴雪一名噴雪崖崖下迴瀾爲龍津 香

爐崖在大同鄉仙人臺前 龍西崖在大同鄉 土  
蜂嶺在崇居上鄉 國公衝在青山上鄉 磨旗坂  
在青山下鄉 花蛇洞在龍峯山麓舊產花蛇今無  
仙人洞在大泉山 老龍洞洞內子午水潮在三角  
山 福興洞洞內懸石鐫慈雲洞三字 二龍洞有  
龍王廟 石觀音洞在崇居鄉手巾菴上爲蟠龍山  
左出下臨龍津潭兩山石拱如門右挺一山石當河  
衝封兩山之缺上有小洞苔蘚重重遙望洞口如瓶  
人跡罕至昔傳一樵子緣藤而上見內有石觀音云

手巾菴石洞在崇居鄉洞上石從五丈衡十尺半覆  
屋內半在山腰內有張金祖師真身詳釋類 黃石  
洞在大同鄉大石盤礮山椒若巨靈甃砌頂有一石  
中分之叩石聲若鐘鼓旁石廣厚數丈許累層石上  
下有洞能容席數十人峭壁如削門路週通遊人緣  
薜捫蘿至者比之洞天前牧王玠蔣尙德遊其地賦  
詩鐫石 許家洞在青山鄉 朱家洞在青山鄉相  
傳祖師修煉處有浴盆今存 叫雨尖在青山鄉高  
峯有壇歲旱禱雨輒應 黃茅尖 解公尖俱在青

蘄州志

卷之二

山川

八

山鄉

水

江 自蘄水縣之迴風磯下十里逕唐家渡二十里逕  
散花洲十里逕茅山鎮二十里逕羅家埠又二十里  
逕掛口十里逕州治二十里逕烏林港十里逕馬口  
即州治雨湖諸水入江處下即廣濟縣界

蘄河 發源於英山界四流山之南查家山之龍泉河  
水會之由青草坪歷何家舖白羊河之水入焉又西  
大桴冲之水注之又十里河南畷之水會之又東太

湖界檀林河諸水注焉名兩河口又東十里宿松界龍目冲之涼亭河入焉逕張家塆西六谿河之水注之又東白水畝河會焉逕鴨公嘴黃梅界紫雲山龍鬚冲桐梓河之諸水入焉名三十六水又西北極尖石鼓河之水注之又東蔡家冲蓮花菴之水入焉逕劉公河西北之仙人臺康家堡□子口澤霖河諸水會焉逕甕門洗馬潭即鈷鉬潭諸山環抱深不可測錦鱗游泳行人屬目焉逕關口河西蘄陽坪西龍河陳家壩株林河胡家河之水注之逕黃城河西石壁

崖之諸水入焉逕高家舖西烏石河石梁堰之水注之至白雲山前突起一洲左爲蘄河即蘄州舊治右爲西河有市驛遞在焉蘄河又東五里逕曹家河市源黎企冲之兩河入焉又東逕陳園分而爲二至渴口市復合渴俗訛豁本柳柳州袁家渴記水之返流處爲渴也又東二十里逕土門山入於赤東湖其西河之水逕易家河蘄水界橫車舖諸水注之逕路口畝南城河之水會焉歷楊公潭會渴口前河之水逕土門西籛埠河之水入焉滙赤東湖由掛口入於江



州西北之水源蔣家山琳山彭思橋河匯蘄水縣策  
湖由茅山口八於江 州東北之水源廣濟鄰西鄉  
崇陽橋河乾沙河諸水逕下河廟櫟木橋匯鴻塘赤  
東諸湖由掛口入於江

井泉附

義井 龍窟井在永福鄉 六龍井 西河井在廣  
教寺 卓錫泉在松山寺 雙水井在三角山 會  
龍潭常湖俱在三角山 留月井在五岳山 丹井  
王全真修煉處 官井在西關內 赤東湖 金沙

蘄州志

卷之二

山川

十

湖 雨湖俗名諸家湖 蓮市湖俗名沿市湖 蓮  
花池在北關外 夜月池在東關外爲蘄八景之一  
下路港 逆水港 掛口港 龍眼磯在江心 乾  
明磯在西關外 新生磯上有文昌閣浮玉亭 螃  
蟹磯在第一關 鴻宿洲 新興洲 對磯洲 琵琶  
洲俱在江心 石穴洲在呂王山下 溫泉在高寺 三泉  
蘄河發源四流山前志誤載大桴山  
巫滋河 州北二百二十里  
鴛鴦河 州北二百里兩山鎖流如鳥比翼

龍井河 州北二百五十二里 洪河 州北一百九十里

石柱河 州北一百八十里

宗渡河 州北一百七十里 宋高宗南渡經此因名

石堰河 州北二百一十里 駱家河 州北一百五十八里

細竹河 州北一百八十里 蕭家河 州北一百八十里

檀林河 州北一百八十里 茅坪河 州北一百五十七里

澄竹河 州北一百七十里 涼亭河 州北一百五十六里

六溪河 州北一百六十里 魏家河 州北一百五十五里

鄧家河 州北一百六十里 百丈河 州北一百五十五里

蘄州志

卷之二

山川

十一

桐梓河 州北一百四十四里 鴉青河 州北一百三十三里

田家河 州北一百一十里 西龍河 州北一百一十二里

石鼓河 州北一百一十五里 華家河 州北一百一十一里

窄林河 州北一百一十五里 劉公河 州北一百一十二里

胡家河 州北九十五里 關口河 州北八十里

株林河 州北一百一十五里 黃城河 州北七十五里

達城河 州北一百二十里 西河 州北六十里

甘箴絲河 州北五十五里 易家河 州北五十五里

漕河 州北五十里 簾埠河 州北三十里

翻車河 州北

彭司河 州北六十里

按蘄河發源四流山衍爲龍井河巫滋河鴛鴦河  
洪河石柱河凡六十里之水悉由英山分界直北  
而南者也其東北隅則自太湖分界爲石堰河駱  
家河細竹河蕭家河合流檀林河逕茅坪河與英  
界水會注宗渡河自是而西折十五里則由宿松  
分界之龍目衝諸水逕澄竹河涼亭河西五里爲  
六溪河又十里爲魏家河更十里至蔡家舖有自  
黃梅分界之白水坂諸水越十里則上由黃梅分

界下由廣濟分界之三十六水及桐梓河逕鴉青  
河凡此皆水之由東而西者也西十里惟石鼓河  
源爲差近復十里有南自廣濟分界之懷樹山水  
田家河水北流而入又西十里爲劉公河則西北  
隅由英山分界之鄧家河百丈河逕澤霖河注于  
東南十五里爲甕門潭又五里爲關口河有自蘄  
水縣流入州境之水會西龍河逕華家河蔡家舖  
河株林河白石河湖家河注之關口河踰五里爲  
黃城河則由蘄水之黃城街土陂山諸水流入州

境此水之由西而東者也西南二十里逕舊治兮  
爲二左蘄河逕漕河越土門山之陰右西河逕易  
家河踰土門山之陽並由濟西而東入州境諸水  
滙於湖合流掛口注之江其獨流惟彭司一河源  
浥界蔣家山歸注茅山前若左赴南直祇劉全冲  
曹家冲兩水未入蘄河耳餘皆曉晰可指約志原  
委於此至于細流涓注殊未易悉數俟知者詳之

**物產**

物有通產有耑產通產不勝書擇其裨益于民生日

蘄州志

卷之二

山川

十三

用者分別紀之蘄耑產莫良于艾其次蛇可以入藥  
竹與龜材質異固地氣使然也然近亦少有矣

專產

艾

舊傳產麒麟山者良多功亦相等他

竹

舊志色潤者爲

帶鬚者爲杖

鮒

出諸家湖不經注云青林

白花蛇

一名

蛇鼻向上黑斑剖之花背有二四方勝尾有佛指甲烏

蛇身鳥無花翼云湖池死蘆葦中重八斤爲上亦陷蟹山

出口漳源者口掛殊美有綠毛龜能浮水塵中蠅誤近少有云

舊傳百治他山境竹爲之今仍名蘄山簞竹

按右專產數種外如唐地理志載蘄產白綜簞鹿毛  
筆宋地理志載蘄產苧布今並無

通產

穀之屬

粳西七月早六熟惟江熟 稻子八月二熟佳者稍沙 魚粳者稍劣 大麥 小麥

蕎麥 苦蕎 豆黑黃數種赤 豇豆架陌上者少實 穉豆白者良

刀豆 蠶豆 豌豆 脂麻色白三黑種 黍 稷 粟狗龍尾

種二

蔬之屬

蘄州志

卷之二

物產

十四

笋 芥 蔞 菘 芸薹 菠 芹 莧 馬齒莧

同蒿 花兒菜 羅漢菜 萹蒿 白花菜 恭 蒿

苣 薺 薑 韭 葱 蒜 薤 胡荽 藿大二種小 菜

菹二紅種白 薯蕷三籐種有青白紅劣 芋 百合 菱菰 胡瓜

南瓜 冬瓜 越瓜 茄 絲瓜 甜瓜 苦瓜 西

瓜 壺盧 菌 木耳 蕨

草之屬

萬年青 吉祥 菖蒲 翠屏 洗手香 芭蕉 蒿

鳳尾 虎耳 蓼 苔 萍 蘋 藻

木之口

松 柏 桑 梓 槐 樟 楓 椿二香種 臭榆 棠

梨 棗 杉 檀二黃種 白黃楊 栗 檣 榔 株 楊

柳 桐 泡桐 烏白 柘 欂 櫟 茶 皂角

棟 楮 冬青 棕櫚 狗骨

花之屬之已入草木果者不贅

蘭二春種 菊 蓮二紅種 白牡丹 芍藥 繡毬 萱 葵

千日紅 茶蘼 薔薇 十姊妹 月季 玫瑰 山

丹 玉簪 剪秋羅 虞美人 罌粟 六月雪 藏

蕪州志

卷之二

物產

十五

金 金鍾子 子午 石竹 迎春 滴滴金 射干

鷄冠 鳳仙 鳳耳 美人蕉 老更嬌 桂白紅三

另種月桂 山茶珠鶴頂寶 蠟梅狗磬口蓮瓣 芙蓉 茉莉藤本

海棠貼垂梗絲 西府三種 玉蘭 辛夷 木樨 夾竹桃 紫荊

杜鵑 梔子 瑞香 木槿 凌霄 二花 伏牛

天竺

果之屬

杏 銀杏 桃 櫻桃 核桃俗從 李 梅 枇杷 栗

柑 金橘 石榴 梨 棠梨 海紅 葡萄 羅

漢果 海棠果 山楂 藕 蓮子 芡實 薏苡  
菱 烏芋 橙 柚 木瓜 金瓜

禽之屬

鶩 鶩 鷄 鳧 鷺 鷺 鳩 麥啄 雉 慈烏

鵲 鴿 鴛鴦 雁 燕 鳧 鸚 鷓鴣 鸚鵡

鷹 鴉 鵲 鵠 鵝 鵝 鶴 鸛 鷓鴣 鴉 白

鷓鴣 鷓鴣 鷓鴣 鷓鴣 竹鷄 秧鷄 鴛 鷓鴣 鷹

鷓鴣 鷓鴣 伏翼 鳩 鷓鴣

獸之屬

蕪州志

卷之二

物產

十六

牛 馬 騾 驢 豕 羊 犬 貓 鹿 麕

兔 獾 熊 豺 狼 狐 狸 虎 鼠 鼬

鯪鯉 獺

蟲之屬

蜂 蝶 蟬 螢 蜻 蜻 蟲 蠅 蚊 蟋蟀 促

織 蝻 螂 螳 螂 鼠 婦 竈 馬 蟾 蜍 蝦 蟄 蚪

蚪 鼃 蟹 蛛 守 宮 蠶 蚯 蚓 蝸 牛 蟻 蠹

蜈蚣

魚之屬





者紀于篇凡四禮之相沿時令之相尚民間徵逐從宜之故皆得而攷焉

李常廣濟寺記曰蘄俗自建置以來淳龐近古

萬安修學記曰士習詩書民務稼穡

宋關詠神光樓記曰秀民樂于爲儒而不輕釋其業彬彬喜學有鄒魯遺風

湖廣總志曰蘄州風氣和平士習文雅其俗舊號龐樸而近亦漸趨侈靡蓋緣地闢湖多生理頗易良民以國稅爲急以息訟勸農爲訓固易地樂土也

蘄州志

卷之二

風俗

十八

黃州府志曰蘄州志載其民務稼穡士習詩書彬彬喜學有鄒魯遺風今觀其地抱山澤而沃衍民饒于舟車之利貴介公子王孫之徒相與搏花鳥鱗騎以相軋壓而俗亦漸侈豈蘄固揚州之域而風物亦大較似之歟然其間固有狷夫介士及誦法孔子者力挽而趨之古何難焉

已上通論

婚嫁各因門第求配先通以媒妁卜吉擇日先具問名納采禮聘儀各從厚薄啓用金裝文本家禮女家具金銀庚牌書生年月日答之告諸祖先將婚先期男

家再具茶禮釵鈿彩帛羊酒果餅之類送女家並具  
啓徧告女之親族謂之團書女家隨力脩妝奩先日  
迎送夫家比日婿乘輿鼓吹親迎輿前列用家雁取  
和鳴義用杯酒取合巹義用提燈取花燭義婿親以  
帨覆女首登輿女至婿家或尊長或小姑先爲婦填  
妝授食用白布鋪道引入房壻親揭帨行交飲相答  
拜禮入帷坐外人俱却避不得見至次黎明起盥沐  
畢男女先謁祖先及翁姑闔門長幼女家先具茶果  
送之拜見時各陳手帨茶鞵爲贄其尊長亦各以釵

釵類爲新婦貽朝夕凡三拜見越三日男具酒筵往  
謝于女家曰拜門酒女家亦具酒筵送女曰三朝飯  
其謝媒妁亦如禮匝月女始歸寧後往來如常雖六  
禮之成未必悉遵古制然大端民間於婚嫁甚爲鄭  
重卽臧獲之賤山野之僻男女必先以媒妁遺以聘  
貲無婚不以正者

親喪隨力先具衣棺沐浴掩殮畢殯于中堂列案于前  
及燈燭品供以父母遺衣陳尸于柩側男女披髮哭  
踊闔門先以布裹頭衣用素三日用牲堂祭成服齋

衰朞功緦麻各以等執喪之日家或不舉火□鄰相遺以粥卽以布幣及孝服徧告訃于親族家有不能及者又陳訃單于門里黨聞者咸赴弔相答拜至親代送客更相執事子若孫執杖守柩至七七日而滿寢坐用薦蓆取苦塊義每七日設齋薦亡多用楮錢竭貲不惜親友于弔後各隨厚薄陳祭奠或用祭章牲醴楮帛諸儀喪家答以胙又通里各具旌儀釀送喪家樹旌請親友冠裳尊顯者舉之拜奠畢欸酌而辭退七七日滿子孫及服親徒步具素簡徧踵謝或

拜諸門外

葬必卜吉地仍先期陳告親里其赴弔仍如新喪時或送以旛仗鼓吹發引日導前送及墓而止或陳路祭遠則或先辭歸相答拜于路貴介家必請官長題主並祀后土其欸宴送胙亦如舉旌禮旣葬墓封或用馬鬣或用覆釜封樹畢子捧主鼓樂導送至家堂安位祭拜如禮或歸三日後不時徃省亦有廬墓數月而始歸者其他親疎服各以遞降要于古制不甚相悖也

祭名不同有家祭有祠堂之祭有塋墓之祭子孫衆多者或租出祀田或金出醮積用具牲醴祭畢燕飲分胙而退又家居有歲時伏臘之祭祀神以牲醴祀先以湯飯楮錢凡遇親生忌日禮亦如之祀神則有祠廟之祭里社之祭儺賽之祭祈禳之祭村野則有春秋社壇之祭祭之日必誠必信習俗所尚有由來也

禮已上  
俗

元日 五鼓後州人悉洒掃廳宇門貼春符簷插梅柏競陳蠟炬茶果等物焚諸爆開門尤敬禮城隍諸神

蘄州志

卷之二

風俗

二十一

三日內輟市肆各盛服陳饌爲禮三日後彼此宴會謂之春酒各携具祭奠先墓又迎儺賽民家有世沿爲例者

元宵 燈火達旦諸貴胄尤甚

立春 塑土牛芒神于東嶽廟州官率農民自元妙觀中迎春遶匝竟日迎畢食春餅

清明 士民于是日掃墳掛錢

四月八日 州民各饋青精飯于父師或畱至一年間和飯延客社塾率小童子醮會擬束脩多寡名曰議

學各以其坊競造龍舟宰豬祭神名曰揭棚

端午 是日插艾葉菖蒲于家廟巫祝例送硃砂黃楮符貼之門壁日正午闔家飲硃砂雄黃菖蒲酒小兒用塗眉耳諸處月內焚蒼朮凡男子未畢婚者競送節禮角黍豚鷺之類女家以紙筆女紅答之自端一日至端午日競渡龍舟內外皆往觀自元旦外惟此節爲敬醫人多于是日採藥

六月六日 諺云城隍降誕蓋緣始築城之期也是日各好事者迎神設燕鼓吹經朝相遞爲首名曰半年

蘄州志

卷之二

風俗

二十二

福

七月七夕 各士民設瓜果競巧率兒女羅拜于星月之下亦昉古乞巧之遺意也

七月半 是日薦祖

中秋 俗取促織虫相鬪設高案以貼金大餅焚香秉燭祭月

重九 是日佩茱萸囊飲菊花酒俗用麪糕及菱角爲饋節之禮

小除 二十四日爲小除是夕淨厨用神馬草豆香燭

之類祀灶至除夕復祀之曰接灶是日以後家人父子多置酒私燕曰團年曰分歲如兄弟同居衆多者分日供之

餽歲辭歲守歲 歲晚相餽遺多以糕果之類徃來辭年除夜祀祖相與宴集歌吹達旦謂之守歲仍以松竹生柴焚之名曰爆竹醫家例以蒼朮和丸相餽曰吉祥丹樹雙炭于門以紅紙束之曰將軍炭

已上時令

### 古蹟

地豈不以人傳哉其人徃其蹟畱後世有望古之思

蘄州志

卷之二

古蹟

二十三

焉過舊治者戀白雲瞻遺田者倚浮玉匪直美觀由之以勵俗可也

蘄州舊治 在安平鄉大河之東有鼓吹白雲之勝杜氏通典謂蘄爲湖南北十州之舊郡也秦爲南郡漢晉爲弋陽郡北齊置羅州歷周仍改蘄州宋景定初始移今治舊傳江夏王築城于此一名江夏城按水經注蘄春故城在蘄河入江之東漢陳浮所都處英布城 蘄春郡記云九江王英布于水北築城以示背楚歸漢之意今在翻車河去州東南八十里

蘄口 卽掛口渡隋王世積以舟師破陳將虔

白雲山 在舊治河西山麓有廣教寺宋景定四年元  
兵嘗駐此

四見亭 原在白雲峯頂宋范堯夫建後遷今治移于  
麒麟山州署後今廢

涵暉閣 在舊治子城上蘓長公有九日登閣詞破帽  
多情却戀頭之句宋郭功甫有詩見藝文

燕子崖 在州北一百二十里元至正間汪不花立寨  
禦賊於此

蘄州志

卷之二

古蹟

二十四

石鼓院 在蟠龍山側今廢

鳳凰臺 在乾明磯相傳羅仙飛昇處

江山清趨亭 在鳳凰山之南明洪治間錦衣衛指揮  
同知孫瓚建少司寇戴珊有記今廢

白雲深處亭 在荆府內麟山之陽林木四匝羣峯環  
拱儼有凌虛之狀荆藩構亭于此一時名公卿題詠  
甚多見藝文

環翠亭 在舊治子城上宋時建今廢

溪堂 在舊治南里和中龍圖閣學士吳遵路之子吳

瑛致仕時隱居處也司馬君實遺以聯云一朝投綬  
眞高士萬卷藏書舊世家蓋紀其實云

文昌閣 在治城南大江之中巨石屹立明江防吳公  
國仕建閣其上置有祀田詳書院記 國朝初贈中  
憲大夫盧如鼎郡庠生孔聞卿募衆修雍正間又重  
修相傳初建時微嫌過低有蘄止發魁之語今增高  
三尺

見山樓 在舊治城內青螺翠黛四面環繞蓋取昔人  
南山當戶牖之句今廢

蘄州志

卷之二

古蹟

二十五

烟光樓 在南關外富川吳明卿題今廢

浮玉亭 在新生磯文昌閣下明季知州徐公構亭其  
上適梅川吳明仲給諫經此宴飲其上見水光凝碧  
曰此浮玉也遂取以顏其亭

仙人壺 一名石魁山一名旋螺山二劉真人修煉處  
有石洞祀二真人像上有玉虛宮仙林寺又常有燈  
光及五色神光隱見郝公守正重修山麓有雙杉高  
尋文大數圍蓋千年物也今尚存

一云雙杉  
公手植

觀頤視履石刻 石鐫四大字宋淳熙丁巳潘震爲蘄



春三角寺書

七葉寮 在鳳凰山最高處今廢

風雲奇觀石 在州治右明成化六年掘地得之首鑄

此四字後有律詩一首無作者名氏荆藩移置府內  
兵火無存

蘄口鎮 在呂王城昭化寺之前今瀦水處產蓮卽其  
遺址舊傳金兵屯白雲山移避蘄陽鎮卽此地

江山一覽亭 在鳳凰山兵備劉公亦齋建今廢下有  
千仞亭江防卜公監泉建亦廢

蘄州志

卷之二

古蹟

二十六

豈弟忠恕安民等堂 俱宋時建今基址無考

六逸石 在三角山元豐間郡人避暑于此上鑄有詩  
溫泉 在崇居鄉高溪寺隆冬之月水熱如沸遊人多  
澡濯于此

仙人石 在永福鄉清水塘仙女足跡尚存

鈷鉞潭 卽洗馬潭在青山鄉甕門滙三十六水逕黃  
成河繞蘄舊治卽崇大等鄉水口也

蘄陽第一泉 在大泉山水最清冽山麓有寺

白甫冲 在鳳凰山下舊傳李杜二公經此考亦無據

丹井 在治東北舊傳王全真鍊丹于此

古教場 其址有三一在城東濠岸一在城南一在掛

口江濱明吉安侯練軍處

雲路 在青山下鄉歐家渡去渡數武有石鐫雲路二

大字古勁可愛

烟霏樓 在舊蘄春縣圃內今廢

呂王城 在缺齒山下相傳呂王築此無考下卽蘄口

鎮遺址

玩鶴樓 在州東北山上有古松一株蒼秀可愛舊傳

蘄州志

卷之二

古蹟

二十七

明太祖手植

邁所 在雨湖北岸瀕湖李公著本草綱目處也其孫

副使樹初建芝鹿山房于其左今廢遺址尚存

鐵牛 在南門外濠內俗云三鐵鎮蘄陽一鐵佛二鐵

牛三鐵缸也

四照堂 在城南鷓鴣山之巔 國朝盧參政鉉建

白茅堂 在熊化嶺顧氏宅后

鴻亭 在城西南隅乾明磯上禹王閣之左下臨鴻宿

洲 國朝知州張公士駟建今廢遺址尚存

大盈泉 在州東十里四時不涸

**塋墓**

或貴或賢例得紀墓蘄自明諸王以下貴且賢者多矣封樹碑誌不皆可考紀其可考者不可考者闕之明荆憲王朱瞻堦墓在永福下鄉復遷安平上鄉大泉山之陽

荆靖王朱祁鎬墓在安平上鄉大泉山墓

荆和王朱祐橚墓在永福下鄉白雲山後改葬諸家湖

韓家山妃劉氏合窆

蘄州志

卷之二

古蹟

二十八

都昌惠靖王朱祁鑑墓在安平上鄉大泉山

都昌惠靖王長子墓在安平上鄉大泉山

都梁悼惠王朱見溥墓在安平上鄉

都昌懷順王朱見潭墓在安平上鄉虎狼口

樊山莊和王朱祐構墓在安平上鄉袁家嘴

東都昌王東軒悼僖王墓在大泉山之陽

荆王長子永定端穆王墓在州北馬口右迎山

樊山溫懿王第三子鎮國將軍墓在州北冷水井

都梁悼惠王第二子鎮國將軍墓在州南十五里黃土

嶺之陽

荆恭王朱翊鉅墓在安平上鄉翁家寢

荆敬王朱常澐墓在安平上鄉湯家寢

荆康王朱常盜墓在安平上鄉熊家寢

樊山溫懿王朱見滂墓在永福上鄉蔡家橋

都昌悼僖王朱祐檣墓在永福上鄉大王廟前

荆王墓因國除無諡寇亂後葬李公氣墓並未封

荆端王墓在廣濟楊門張家寢

荆莊王墓在廣濟楊門武家寢

蘄州志

卷之二

塋墓

二十九

荆定王墓先在廣濟朱老墳後遷無考

康蘄國武毅公父子墓俱在江寧鍾山祖墓俱在大同

上鄉康家冲

侍郎朱仕俊墓在黃土嶺

吉安侯柳良正墓在打鼓臺

千戶陳福清墓在鳳凰山麓

御史馮思齊墓在江寧浦口香爐山祖墓在安平大泉

山第一泉之側

大司寇馮天馭墓在頭鋪祖墓在迎山老美橋母墓在

馮家林

方伯華仲賢編修華巒墓俱在廣濟馬口湖

知府劉樽墓在迎山麓

解元陳吉言墓在下路港迎山祖墓亦在此

叅政顧敦墓在甕門桃樹山

叅政顧問副使顧闕墓俱在缺齒山始祖士徵墓在鹿

耳石

御史周禧墓在符乾關外席盤石

太醫院判李言聞墓在竹林湖

蘄州志

卷之二

塋墓

三十

知縣李時珍墓在州東五里竹林湖祖墓在大教場

副使李建木墓在竹林湖

副使李樹初墓在州東十五里東湖菴父同知建中墓

在盤龍嘴母彭恭人墓在廣濟栗木橋仙姑山

知縣李雲慶墓在東湖菴

僉事李新墓在頭舖地藏寺

知縣田鵬墓在大金橋

進士田雨公墓在周公山

方伯□□□墓在菩提壩楊門

方伯張邦翼墓在圓峯山下張銘畝祖墓在蔡家店  
都御史李儒墓并祖墓在竹林湖

叅將李同春李棟墓俱在安平鄉方家橋

主事李孟春墓在廣濟關聖村土名茅山娘

少司馬李盛春墓在廣濟望夫山六府林之左

副使李際春墓在段家倉壽眉山

總兵李楷墓在野狐山

鹽運司提舉李樸墓在烏菱港

叅政李標副使李挺墓俱在金鶯寺

蘄州志

卷之二

塋墓

三十一

御史饒京墓在竹林湖今名饒家閣

御史王珙墓在楊門龍泉寺之左祖墓在渴口畝相樹

林

副史晏攄忠墓在席磐石晏家瓏由

知縣陳顯元祖墓在東山寺

指揮王啓墓在雨湖母墓在迎山王家林

都督同知程禎墓在盤龍平陽嘴

同知張效葵知縣張承位墓俱在廣濟張家寢

叅政盧紘墓并祖墓俱在迎山

中丞李本晟墓在廣濟金山府

進士注蘅墓在郝家塢

翰林欽士佃祖墓在烏林港

知縣李炳然墓在施家塘雞公嶺與朱氏合葬

徵士顧景星墓父天錫姑劉貞節墓俱在時思圃

知縣顧咸泰墓在迎山八方林

溫處道高培墓在崇居鄉大林腦

知州李本綦墓在杉木林旌節何宜人墓在涼蓬湖

知州李坦墓在蕪塘湖張山嘴

蕪州志

卷之二

塋墓

三十二

進士張正志墓在安平鄉

明威將軍王紳墓在州大教場左

知府李榔墓在父盛春墓左山母董夫人墓在黎企廟

兒嘴

知府馮汝承墓在州東五里八角塘

知州陳仁近墓在青山鄉榔木衝祖惟聰墓在義龍窩

啓常墓在老鴉山

忠烈王玠墓在青山鄉獅子地

叅軍沈士望墓在永福鄉清水塘上首

知縣王御龍與侯孺人合墓在州東二十五里百福山  
知縣李本衍墓在荒草畝父李櫝墓在廣濟劉玉林繼  
母墓在徐家坳

知縣孫民則墓并祖墓在永福鄉

知縣陳履中祖墓在崇居鄉北極尖下

知縣熊淇墓在迎山壠祖墓在雨湖南岸



方伯張邦翼墓在圓峯山下張銘畝祖墓在蔡家店  
都御史李儒墓并祖墓在竹林湖

叅將李同春李棟墓俱在安平鄉方家橋

主事李孟春墓在廣濟關聖村土名茅山娘

少司馬李盛春墓在廣濟望夫山六府林之左

副使李際春墓在永福鄉段家倉壽眉山 按府州舊

志載際春墓皆誤今查實改正

總兵李楷墓在野狐山

鹽運司提舉李樸墓在烏菱港

蘄州志

卷之二

塋墓

三十八

叅政李標副使李挺墓俱在金鷺寺

御史饒京墓在竹林湖今名饒家閣

御史王珙墓在楊門龍泉寺之左祖墓在渴口柏樹林

副史晏攄忠墓在席磐石晏家壠山

知縣陳顯元祖墓在東山寺

指揮王啓墓在雨湖母墓在迎山王家林

都督同知程禎墓在盤龍平陽嘴

同知張效葵知縣張承位墓俱在廣濟張家寢

叅政盧紘墓并祖墓俱在迎山